

التحرش الجنسي

بقلم: نبيل جلهوم

الكبسولة الأولى:

نسبة كبيرة جدا من التحرش يتسبب فيه الأب والأم...

لأنهم قد تهاونوا في إلباس بناتهم اللباس الشرعي بحجج كثيرة ومنذ الصغر...

البنات لسه صغيرة...

الدنيا لسه أمان...

خلي البنات تاخد راحتها ... بلاش الكبت.

عايزين نجوز البنات فلازم الناس يشوفوها حلوة عشان يترغبوا فيها...

بلاش تزميت...

البنات هتتعقد كده...

الكبسولة الثانية:

البنات صاحبة اللباس الشرعي مش ممكن هيبص لها أحد...

البنات اللي بترد على اللي بيعاكسها بقوة وتعطيه بالحذاء لا يمكن لأحد أن يقترب منها... لأنه هيخاف يتفضح.

فهى لغم قوى وبارود ناسف لكل من يحاول القرب بكلمة منها... أما صاحبة البسمة الناعمة فهى التى تستحق التحرش ولا تلومن إلا نفسها.

الكبسولة الثالثة:

الإعلام الفاسد .. الله ينتقم منهم...

أفسدونا نحن الكبار فما بالكم بالصغار...

شوية مهند والعشق الممتيل بنيله..

شوية مدرسة المشاغبين..

شوية .. شوية ... وربنا الستير...

لو الاعلام يرحمنا فى أولادنا ويكون محترم ويقدم لأولادنا قيم وأخلاق...

ساعتها ربنا هيكرمنا ... ربنا يهدى الاعلام الفاسد أو ياخداهم يارب...

الكبسولة الرابعة:

السادة أستاذة الجامعات اللى بيعطوا لبناتنا محاضرات بوقت متأخر ليلا لحد الثامنة ثم يسافر البنات لبلاد أخرى...

أيعقل هذا يا سيدى الأستاذ الجامعى ...!!!

إعتبرهم بناتك يا فندم وإعطيهم محاضراتهم بدرى وخليهم يوصلوا بيوتهم فى وضح النهار...

بناتنا أمانة عندكم يا سادة يا أستاذة ... إرحمهم وإرحمونا يرحمكم الله.

الكبسولة الخامسة:

ياكل من تعاكس وتتحرش ببنات الناس...

أترضاه لأختك...

أترضاه لأمك...

أترضاه لعمتك...

أترضاه لخالتك...

أترضاه لجارتك...

أكيد ... لأ لأ لأ...

يبأه ما فيش داعى ... خليك كبير تكسب قلوب الناس ويسعدك ربنا ويسترك بستره.

الكبسولة السادسة:

لازم ياللى بتعاكس وتتحرش تعرف أن نبينا محمد صلى الله عليه وسلم قال:

البر لا يبلى والذنب لا ينسى والديان لا يموت افعل ماشأت فكما تدين تدان .  
حتما لو تحرشت وعاكست ... هيبجي يوم شخص يتحرش بخطيبتك ..  
يتحرش بزوجتك ... يتحرش بأمك ... يتحرش بعمتك ... يتحرش بخالتك ...  
يتحرش بينتك ...  
إعمل حساب لليوم ده ... أعتقد مش هتقدر تستحمل هذا الشيء .. مضبوط !!

الكبسولة السابعة :

ياأبهات ياأمهات ياأفاضل ... سيبوكوا من تكاليف الزواج والخطوبة الكثيرة ..  
إرحموا بناتكم واعرفوا أن أكثرهن بركة أقلهن مهورا ... ماتطلعوش في  
العلاى سهلوا الأمور ربنا يسهلها على بناتكم ويتخطبتم ويتجوزا ويكونوا  
بيوت سعيدة .

الكبسولة الثامنة :

ياآباء ... ياأمهات ... خلوا بناتكم يلبسوا فى البيت أجمل ماعندهم ويتزينوا  
ويلعبوا .. بلاش يلبسوه خارج البيت ... وبعدين لا تلوموا الا أنفسكم .

الكبسولة التاسعة :

ياموظفات يافضليات ... الله يخليكوا كونوا فى البيوت متبرجات متزينات  
لرجالكم خلوهم يشوفوكم بأحسن هيئة ساعدوهم على غض ابصارهم وحفظ فروجهم عشان  
لما يخرجوا الشارع مافيش منظر كده والا كده يتعب نفوسهم ويقعدوا يدعوا  
عليكم وعلى اليوم اللى فيه عرفوكم بسبب الجلبية المعفنة اللى مش هاين  
عليكوا تعلقوها فى البيت وتستبدلوها باللتى هى منها أبهى وأجمل وأحسن .

الكبسولة الأخيرة :

يارب إهد شباب المسلمين ... وأصلح أحوالهم وإحفظهم وخذ بأيديهم .  
يارب إهد بنات المسلمين ... وارزقهم العفاف واللباس الشرعى المحترم .

\* عضو الملتقى الدعوى بالشبكة النسائية العالمية .

## الرابط الاصيلي